



10. Juni 2026

UPA2025/126

**Nunatsinni ilagiit sinniiseqartarnermi atugassarititaasut qanoq pitsanngorsarneqarsinnaanersut pillugu apeqquteqaat aallaavigalugu oqallisissiatut siunnersuut.**

(Inatsisartunut ilaasortaq Aqqalu C. Jerimiassen, Atassut)

Qujanaq apeqquteqaat aallaavigalugu oqallittoqarnissaanut siunnersuuteqartumut imatut oqaaseqarfigisassatsinnik.

Siumumiit oqaluffik inuiaqatigiittut oqaluttuarisaanitsinnut, kulturitsinnut kinaassutitsinnullu pingaarutilittut isigaarput. Oqaluffik kinguaariit ingerlaneranni inuit akornanni nuannaarnermi aliasunnermilu katersuuffiusarmat, inunngornermi, kuisittoornermi, apersortinnermi, katinnermi ilisinnermilu. Taamaammat naleqquttuuvoq oqallisigissallugu qanoq ililluta oqaluffiup aammalu inuit ilagiit sinniisaanni suliaqarnissamut peqataarusuttut pitsaasumik sinaakkuteqartinnissaat qulakkeersinnaaneripput.

Amerlasuut oqaluffik aqqutigalugu nukissaqarnerulerfigisarlugu misigisarput, allat upperisaqarnikkut allatigut imaluunniit upperisarsiornermut attuumassuteqanngittumik taamaaliorsinnaasarlutik. Taamaattumik tunngavigisassarput tassaassooq peqataasinnaanermut peqataanermullu periarfissat nukittorserneqarnissaat.

Nunatta immikkoortuini arlalinni ilagiit sinniisaannut ilaasortassanik pissarsiniarneq unammillernartoq nassuerutigaarput. Ilagiit sinniissaannut qinigassanngortitsiniartarnek sulilu ajorluartumik inuit suleqataalernissamut tunuarsimaaleriartornerat unammillernarsiertortut nassuerutigisariaqarparput. Qinigassanngortikkusuttunik nassaarniarnek ajornakusuuleriartortup ersersippaa misissortariaqaripput. Ilagiit Sinniisaattut sulinerup ersarissarneqarnerusinnaanera, aammalu suleriaatsit naleqqussartariaqalersimanersut kajuminnarsarneqartariaqalersimanersorlu.

Innuttaasut amerlasuut najukkaminnut iluaqutaasussamik peqataasernerat takornartaanngilaq, kisianni immaqqa ilagiit sinniissasa suliaasa qaammarsaassutigineqarsinnaanerat amingaataasimanerpa?

Taamaattumik Siumumiit isumaqarpugut Ilagiit Sinniisaani sulinermi makku immikkut misissorneqartariaqartut;

- Qanoq ililluni ilagiit sinniisaasa sulinerat pillugu paasissutissiineq nukittorsarneqarsinnaanersoq.
- Qanoq ililluni inuusuttut kinguaariillu nutaat oqaluffiup najukkallu ingerlatitaanerannut annertunerusumik peqataatinnegarsinnaanersut.
- Qanoq ililluni oqaluffiup, inuiaqatigiinni namminersorlutik aqqissuussaaneerat aammalu najukkani suliffeqarfiit akornanni suleqatigiinneq ineriartortinnegarsinnaanersoq.
- Qanoq ililluni ilagiit sinniisaasa sulinerannut allaffissornikkut aammalu ingerlatsinikkut sinaakkutit pitsaanerulersinneqarsinnaanersut.



Tamatuma saniatigut pingaaruteqarpoq avatangiisit timitaat eqqarsaatigalugit nalilersuinissaq. Oqaluffiit oqaluffimmullu attuumassuteqartut illut amerlasuut pingaarutilerujussuarmik inissisimasut aamma eqqarsaatigalugit.

Siumumiit aamma palasit pingaaruteqassusiat ereqqissarusupparput. Palasit pingaarutilimmik suliaqartarput, suliaat tassaaginnanngilaq taamaallaat upperisarsiornikkut siuttuuneq, aammali najukkani inuit akornanni ikorfartuisutut. Taannaavoq ilagiit Sinniisaasa qaninnerpaamik suleqatigisaat. Taamaattumik naleqquttuuvoq ingerlaavartumik nalilersussallugu palasit sulinerannut atorfinitsiniarnermullu sinaakkutit naammannersut, pingaartumik nunaqarfinni illoqarfinnilu mikinerusuni.

Inuit amerlanerit ilagiit sinniisaanni suliaqarnissamut kajumissuseqalissappata, pisariaqarpoq suliaq isumaqartutut misigineqrnissaa aammalu najukkani pisariaqartitanut qanittumik attuumassuteqartutut isigineqarnissaa.

Taamatut oqaaseqarluta Siumumiit inatsisartuni matumani oqallinnissaq qilanaaraarput.

Jess Svane SIUMUT